

劉

氏

鴻

書

第八十八卷

花木部二

五穀 稻 麥 豆

百穀

禾生

嘉穀

五里香

占城稻

神禾

人形

碧麥

白豆

木棉

綿花

始入中國

三種

菜品

蒿菜

茄樹

葫蘆

果品

桃李

櫻桃

杏

楊梅

梨

棗

秋實

棗桃

稱餉

金杏

君字果

五臟斧斤

求大棗

四十九

算棗數

葡萄

柿

栗

金橘

柑

三種

七絕

數斛

河東飯

金彈

奇柑

蔗

瓜

鹿出

高百丈

陰山得瓜

進瓜

草

護門草

芸草

女香草

蒼草

春草教風

青草

吉雲草

苹蕨

苹氏

夷齊食蕨

吐蛇

藥品

黃精

砒

龍涎

檳榔

又檳榔

地脂

枸杞

三稜草

雷丸

木瓜

人參

維揚十友

卷八十八目

劉氏鴻書卷八十八

明 宣城劉仲達 纂輯

花木部二

太史湯寧尹 刪正

五穀 稻 麥 豆

梁忝之總名稻既種之總名菽豆之總名三穀各二十

種爲六十蔬菜助穀各二十共爲百穀

事物紺珠

范勝書曰禾生於寅壯於午長於甲老於戌死於申惡

於壬癸忌於丙丁

類纂

禾嘉穀也二月始生八月而熟

得時之中故謂之禾

許氏說文

五里香江表惟長沙有好米是時新粳稻出上風吹之

五里聞香

魏文與羣臣書

占城稻成實早而粒稍細宋湘山野錄云真宗聞占城稻早耐旱遣使以珍貨求其種得十斛散於民間今在在有之

無錫縣志

神禾原在鎬水東滴水西首起南山麓西至東交河而止劇談錄曰晉天神六年原產禾一穗重六斤故名

名

山記

鄱陽彭氏積穀至萬石及其孫已六十年矣萬曆戊子連荒以穀出糶一倉穀俱結人形約長五六尺刀斧擊之不碎人以爲穀久成神而分之又有官倉內穀成一

人處倉中人見之而不得倉穀散盡不知所在聞昔武庫年久未開偶開視中有一人眉目手足皆具特不能言耳或曰此兵器上人肉屑血餘結成者夫物久精凝理或然乎

異識資諧

元和八年大軫國貢碧麥上異之翌日出示術士白元佐李元戰碧麥粒大於中華之麥表裏皆碧香氣如粳米食之令人體輕久則可以御風

杜陽編

古人澄治思慮於坐處置兩器每起一善念則投白豆一粒於器中每起一惡念則投黑豆於器中初時黑豆多白豆少後白豆多黑豆少後來遂不復有黑豆最後



雖白豆亦無之矣

性理

### 木棉

通鑑梁武帝木棉皂帳史炤釋文云木棉江南多有之以春二三月下種既生須一月三薹至春生黃花結實及熟時其皮四裂其中綻出如棉土人以鋏鋌碾去其核取如棉者以竹爲小弓長尺四五寸許牽弦以彈綿令其勻細卷爲筒就車紡之自然抽緒如縲絲狀織以爲布按此卽今之綿花也○綿有三一曰絲綿出於蠶緝一曰木棉出於交廣名班枝花三曰草棉史炤釋文所言形狀是而以解木棉則非也其曰竹爲小弓長尺

四五寸今之制綿花弓長五六尺以羊腸爲弦彈之聲如晴雷朱以真有弓弰弰綿一首可證今之綿弓勝于舊矣丘文莊謂棉花元始入中國殆未考史炤之說也

楊升菴文集

續博物志聞閩中多木棉植之數千株採其花可紡爲布李商隱詩木棉花發鷓鴣飛王叡詩紙錢灰出木棉花南中木棉樹大盈抱花紅似山茶黃蕊花片極厚近峰聞略云棉花入中國自我朝始丘文莊公記之詳矣舊云木棉卽今之班枝花也棉花種爲番使黃始所傳今廣中立祠祀之沈黃門炤曰番中有青紅白三種今

特傳其白者耳

琅琊代醉篇

菜品

蒿菜

園葵

茄

葫蘆

蒔菰

王舜求云蒿菜出嵎國有毒百虫不近蛇虺過其下觸之則瞑目不見物人有中其毒者惟生薑汁解之

稗雅

園葵卽胡葵世傳布種之口誦藝則滋茂故士大夫以穢談爲撒園葵

彙苑

荆樹交廣草木經冬不衰故蔬圃之中種茄宿根有三年者漸長枝幹乃成大樹每夏秋盛熱則梯樹採之五年後樹老子稀卽伐去之別栽嫩者

小史集雅

鄭餘慶與人會食日高衆客皆餒呼左右曰爛蒸去毛

莫拘折項諸人相顧以爲鵝鴨良久就餐每人前下粟  
米飯一碗蒸葫蘆一枚餘慶餐美諸人強進而罷太平廣記  
唐菰潁河之地多有之惟出考城者勝土人採食或曰  
無種蓋遺腐船木所生也夷門廣牘

菓品

桃李

櫻桃

杏

楊梅

梨

棗

桃李華綱目嘗三書矣惠帝五年呂氏甲寅年文帝六  
年未有書秋桃李熟者秋華異也秋華而實大異也終  
綱目書桃李秋實一而已漢武帝四年

譙郡夏侯文規亡後見形回家經庭前桃樹邊過曰此  
桃我昔所種子乃美好其婦曰人言亡者畏桃君不然

耶曰桃東南枝二尺八寸向日者則憎見之或亦不畏也

甄異錄

太宗將致櫻桃於鄩公稱奉則尊言賜則卑問于虞世南世南對曰昔梁武帝遺齊巴陵王稱餉從之

國史

金杏種出濟南郡東南有分流山蓋其上飲天漿下啜地沫故杏之生繁大於梨黃於橘而味獨美昔漢武帝訪蓬瀛有獻是果者帝嘉之今人猶呼漢帝杏又曰金杏

山東通志

楊修九歲聰慧孔文舉詣其父父不在乃呼修修爲設菓有楊梅融指視修曰此君家之果耶修應聲曰未聞

孔雀是夫子家禽

郭子

李楚勲罷相出鎮豫章一日遊西山田間茅舍有老叟  
教數村童公觴于其廬連食數梨賓僚有曰梨號五臟  
斧斤不宜多食叟歎曰鵝冠子五臟斧斤乃離別之離  
非謂梨也蓋離別則戕賊胸懷有苦刀斧因就架取鵝  
冠子呈之公大歎服

湘山野錄

杜畿爲河東太守平虎將軍劉勲爲太祖所親貴震朝  
廷常從畿求大棗畿拒以他故後勲伏法太祖得其書  
歎曰杜畿可謂不媚寵也

杜氏新書

漢武帝時上林苑獻棗上以所持杖擊未央前殿檻呼

朔曰叱來叱來先生知此篋中何物朔曰上林獻棗四十九枚上曰何以知之朔曰呼朔者上也以杖擊檻兩木林也曰來來者棗也叱叱者四十九也上大笑賜帛十疋

方朔傳

北齊綦母懷文昔在晉陽爲監館館中有一蠕蠕客同館胡沙門指語懷文云此人別有異算術仍指庭中一棗樹令其布算卽知其術數乃試之并辨若干純赤若干赤白相半於是剝數之惟少一枚算者曰必不少但更撼之果落一實

北史

蒲萄 柿 栗 金橘 柑

蒲萄出大宛李廣利爲貳師將軍破大宛得蒲萄種歸  
漢應劭曰大宛以蒲萄爲酒富人藏酒至萬餘石久者  
經十歲不改漢使求蒲萄種歸天子種之離宮別館之  
旁漢書無雷國罽賓國皆有蒲萄有黃白黑三種

西陽雜俎

柿有七絕一壽二多陰三無鳥巢四無蟲五霜葉可愛  
六嘉實七落葉肥大冬間下種待長移栽肥地接及三  
次則全無核接桃則成金桃

花木考

鄭虔好書嘗苦無紙於慈恩寺貯柿葉數屋遂往日取  
葉肄書歲久殆遍

本傳



晉王嘗窮追汴師糧運不繼蒸粟以食軍中遂呼粟爲

河東飯

清異錄

金橘產于江西香清味美置之樽俎光彩的爍如金彈  
珍果也若欲久留着于棗豆中藏之經時不變蓋橘性  
熱豆性冷故能久也

歸田錄

韋臯鎮西蜀時有黃柑一樹方熟忽數夕衆實皆落唯  
樹杪一蒂獨存其大如椀枝葉滋茂異于常者園吏具  
白韋親視之曰此奇果也非臣下宜食議欲表進令去  
蒂尺餘折之其實蒂自落有善醫者咎殷侍立曰凡木  
實未過時蒂自落乃實之病也請針驗之韋令再三方

許谷殷引針就蒂刺入其實應手而轉殷則連下一刺  
血濺盈袖韋令大驚披之則兩頭蛇也

北戶錄

## 蔗瓜

神宗問李惠卿曰何物不庶獨于蔗庶何也曰凡草種  
之正生嫡出也甘蔗以根庶出也

翰墨大全

南方上有甘蔗之林其高百丈圍三尺八寸促節多汁  
甜如蜜咋嚙其汁令人潤澤可以節虵蟲人腹中虵蟲  
其狀如蚓此消穀虫也多則傷人少則穀不消是甘蔗  
能滅多益少凡蔗亦然

本草綱目

中國初無西瓜洪忠宣使金虜貶迤陰山得食之云種

以牛糞結食大如斗絕甘冷可蠲暑疾丹鉛錄引五代胡嶠陷虜記云於回紇得瓜名曰西瓜其言與忠宣同以爲至五代始入中國按忠宣使虜乃稱創見則嶠嘗之于陷虜之日而不能種之於中國也其在中土則自靖康而後其在江南則或忠宣移種歸耳

楮記室

曹操一日盛夏宴諸官於水閣酒半酣喚侍妾用玉盤進瓜一妾將瓜列盤進而荅曰瓜極熟一妾整容捧瓜荅曰不生操大怒喝武士斬之再呼進瓜莫敢近前衆妾皆推蘭香乃雙手捧盤齊眉而進操問瓜味荅曰甚甜大呼武士速斬之坐客皆失色拜地曰不知也操曰

聽數其罪前二妾吾斬之者久聽使喚豈不知進瓜必  
須齊眉而捧盤耶皆以開口字荅斬其愚也蘭香來未  
久高手捧盤而進又以甚甜合口字荅之何切知吾心  
耶故斬之以絕其患

花木考

### 草

常山出草名護門取置戶下或有過其門者草必叱之  
一名百靈草王筠詩霜被守宮槐風驚護門草

物類志

芸草古人藏書謂之芸香是也採置書帙中去蠹置席  
下去蚤虱栽圍亭間香聞數十步似碗豆微小叢生秋  
間葉上微白如粉江南謂之七里香

杜陽編

女香草甚繁績婦女佩之則香聞數里男子佩之則臭  
昔海上有丈夫拾得此香嫌其臭棄之有女子拾去其  
人跡之香甚欲奪之女子疾走其人逐之不及乃止故  
語曰欲知女子強轉臭得成香呂覽有海上逐臭說疑  
卽此事

奚囊橘柚

伏羲文王墓前獨有著草季子挂劍臺下獨生挂劍草  
鄭康成讀書山下獨生書帶草皆它處所無也孔林不  
生荆棘嚴陵獨生白茅孝女拖色草皆偃仆漢王牧馬  
草有齧痕是皆異草

文海披沙

鄰人謂展禽曰魯聘夫子二黜無憂色何禽曰春風鼓

百草敷蔚吾不知其茂秋霜降百草零落吾不知其枯  
枯茂非四時之悲欣榮辱豈吾心之憂喜

符子

漢未央宮斬韓信地至今猶有臺趾其草色赤獨異他  
處匈奴地草色白唯王昭君塚上草獨青自漢至今幾  
千百年矣而黜臣俠女含冤不變廼爾

東方朔曰臣有吉雲草十頃自吉雲之澤移種于九景  
山東二千歲一花必東取瑋琅山澗水以灑之臣請往  
刈之旦去暮負而返其葉似麥而金色剉以飼馬卽肥

澤光潤

洞冥記

苹蕨

周禮苹氏掌國之水禁幾酒謹酒禁川游者夫苹水物耳而名官以謹酒先儒以其不沉溺于酒如苹之浮然水草之性勝酒水苹雖非小苹類亦苹之總名故以戒人幾酒謹酒也

埤雅

蕨多食之能消陽氣故令人睡弱人脚四皓食芝而壽夷齊食蕨而夭今道路荷負轉移者皆不肯食令人脚弱蓋見其形似拘攣之狀亦或其性味固爾名之以蕨蓋謂蕨矣

全雅

郝鑒鎮丹徒二月出獵有甲士折一枝食之覺心中耿耿成疾後吐出一小蛇懸屋前漸乾成蕨遂知此物不

可生食 搜神記

藥品

黃精 砒 龍涎 檳榔 地脂 枸杞  
三積草 雷丸 木瓜 人參

黃帝問天姥曰天地所生豈有食之令人不死者乎天姥曰太陽之草名曰黃精餌之可以長生太陰之草名曰鈎吻不可食入口立死 彙苑詳註

砒性猛如貔故名惟出信州故人呼爲信石而又隱信字爲人言又曰此乃錫之苗故新錫器盛酒日久能殺人者爲有砒毒也 本草綱目

蘇門答次國古大食國也西去一晝夜城有龍涎嶼獨峙南巫里洋之內浮灩海面波激雲騰每至春間羣龍



交戲於上而遺涎沫洋水則國人駕獨木舟伺龍出沒  
隨而採之或風波則人俱下海一手附舟旁一手楫水  
而得至岸其涎初若脂膠黑黃色頗有魚腥去久則成  
大塊或大魚腹中刺出如斗大焚之清香可愛名曰龍  
涎其品有三浮水者爲上滲沙者次之魚食爲下每香  
一觔值其國金錢一百九十二枚准中國之銅錢九千

文

彙苑詳註

嶺南人以檳榔代茶可以禦瘴有四功焉醒能使醉醉  
能使醒饑可使飽飽可使饑

類纂

劉穆之少時家貧嗜酒食不修拘檢往妻兄家乞食多

見辱不以爲耻其妻江嗣女甚明識每禁不令往江氏  
後有慶會屬令勿來穆之猶往食畢求檳榔江氏兄弟  
戲之曰檳榔消食君乃常饑何故須此妻復截髮市餠  
饌爲其兄弟以餉穆之自此不對穆之梳沐及穆之爲  
丹陽尹將召妻兄弟妻泣而稽顙以致謝穆之曰本不  
匿怨無所致憂及至醉穆之乃令厨人以金拌貯檳榔  
一斛進之

函史

高展爲并門判官一日見砌間沫出以手撮之試塗一  
老吏面上皺皮頓改如少年色展以爲必神藥問承天  
道士荅曰此名地脂食之不死乃發軔已無所覩

方鎮

編

朱孺子幼事道士王元正居大若岩一日汲于溪上見  
二花犬相趨因逐之入于枸杞叢下而沒掘之得枸杞  
根形如二犬煮而食之味極甘香忽覺身輕飛于山峯  
上須臾雲起擁之而去元正食其餘因得不死遂號童

子峯

沈汾續仙傳

唐河東裴同父患腹痛數年不可忍囑其子曰吾死後  
必出吾病子從之出得一物大如鹿條脯懸之久乾有  
客竊之其堅如骨削之文彩煥發遂以爲刀櫛子佩之  
在路放馬抽刀子割三稜草坐其櫛上其櫛盡消成水

客怪之回以問同同泣具言之後病狀同者服三稜草

汁多驗

朝野僉載

劉伯時常見淮西士人楊緬自言中年得異疾每發言應答腹中輒有蟲聲效之數年間其聲浸大有道士見而驚曰此應聲蟲也久不治延及妻子宜讀本草至蟲所不應者當取服之緬如言讀至雷丸忽無聲乃頓餌數粒遂愈

文呂雜錄

崔涓守杭州湖上飲餞客獻木瓜甚奇美有中使袖歸曰禁中所無宜進上須臾解舟去守懼得罪欲輟飲官妓作酒糾者白守曰某度木瓜經宿必委中流也會送

者回覆云木瓜果潰爛已棄之矣守異其言召妓問之  
曰此物芳脆易損必不能入獻守取香錦面勞之

唐語林

高祖時上黨有人宅後每夜有人呼聲求之不得去宅  
一里所但見人參一本枝葉峻茂因掘去之其根五尺  
餘具體人狀

隋書五行志

維陽十友者皆家產粗豐守分知足慕玄知道相約爲  
兄弟時海內大安民人皆悅遂以酒食爲娛自樂其志  
始于一家周于十室率以爲常忽有一老叟衣服滓敝  
氣貌羸弱似貧窶不足之士亦着麻衣領十人來以造  
其會衆旣適情亦皆憫之不加斥逐醉飽自去莫知所

之一旦言于衆曰余力困之士也幸衆人許陪坐末不以爲責今十人置晏皆得預之席旣周會亦願力爲一席以荅厚恩約以他日願得同往至期十友如其言相率以待凌晨貧叟果至相引徐步詣東塘郊外不覺爲遠草莽中茆屋兩三間傾側欲摧引入其下有丐者數輩在焉皆是蓬髮鶉衣形狀穢陋叟至丐者相顧而起墻立以俟其命叟令掃除舍下陳列遽除布以營席相邀環坐日已旰矣咸有饑色久之各以醯鹽竹筴置于客前逡巡數輩共舉一巨板如案長四五尺設于席中以油𦵔幕之十友相顧謂必濟饑甚以爲喜旣撒油𦵔

氣燿燿然尚未可辨久而視之乃是蒸一童兒可十數  
歲已糜爛矣耳目手足半已墮落叟揖讓勸勉使衆就  
食衆深嫌之多托以飫飽亦有忿恚逃去都無肯食者  
叟縱食飡啖似有盈味食之不盡卽命諸丐持去令盡  
食之因謂諸人曰此所食者千歲人參也頗甚難求不  
可一遇吾得此物感諸公延遇之恩聊欲相報且食之  
者曰日昇天身爲上仙衆旣不食其命也夫衆驚異悔  
謝不及叟促問諸丐令食訖卽來俄而丐者化爲青童  
玉女幡蓋導從一時昇天十友刳心追求更莫能見

神

第八十九卷

鳥獸部一

總論

胎生卵生

易骨易皮

產水產林

馬龍羊龍

隨日隨陽

蜉蝣二日

羚羊懸角

向壬避戊

性淫性卑

左雄右雌

啞啞嚙嚙

援臂龜腸

驢交馬感

超母食牛

一字鳥

鳳

鸞

鶴

燕

雞

雀鵲

鶯

鴈

烏鴉

鴿

鷓鴣

鳩

梟

鷹

鳳象龍文

此鳥多青

二異



懸鏡中霄

射鶴

彈燕

離爲雉

封白雀

呼食往食

黃口

鵲言

哺雛

黃鶯賦

陽鳥

鴈臣

鴈書

鴈王

幕鳥城鳥

彈鳥

占鴉

縱鴿

捕鵲

鳩杖

梟兆

梟羹

紙鳶

二字鳥

孔雀 杜鵑 謝豹 鸛谷 鸚鵡

子了 曰鵲 鷓鴣 鷓鴣

性妬愛危

望帝

南方氣至

杜鵑推鳴

謝豹

舌生蓮花

禽獸行善

死有舍利

蟬鳥

五色鸚鵡

呼名

喚花

思鄉

急了

漢禽

思配

鸚鵡詩

白鵲

被底鴛鴦

鳥異

三鳥

稀差

蝙蝠

鴛鴦

白鵲

鴝鳥

批頰

禽語

禽屬

鷄  
鶩  
鴨

陰陽氣感

魚瞰雞睨

盜雞

鷄鈴

青白旗

糞金

呼名

食金

卷八十九目錄終

劉氏鴻書卷八十

明 宣城劉仲達 纂輯

鳥獸部一

太史湯賓尹

總論

凡物得氣之盛者必有異於物龍之異以骨故能吸氣  
茹精龜之異以殼故可卜而先知犀之異以角故孕星  
蚌之異以珠故胎月麝之異以臍故香可通關鹿之異  
以角又獨皮裹而可補食獺之異以肝故月生葉而可  
祛瘵猩猩之異以血故可染物而不渝又能知往也玳  
瑁之異以甲故可噉鯊魚胎生也其異以皮故可韜麟

角鳳觜其異以膠可以續斷絃以至象以牙翠以羽魚以鮫是皆有異於物而得氣之盛者也草冰子

胎生者眼胞自上而瞑卵生者眼胞自下而瞑濕生者眼無胞化生者眼無竅蜃無目鱗圓目鸚旋目鳩方目鳩以睛交蛇以眼聽魚目不瞑雞好邪視龍不見石魚不見火雀夕矍鴟晝盲貓睛當午斂縱如線鴉目遇夜明察毫末馬夜行其目光所照三丈虎夜行一目放光

一目看物

小史集雅

龍易骨蛇易皮蟹易螯象退齒蟬退殼犀退角麝退香夏至鹿角解而應陰冬至麋角解而應陽雉火畜也感

於陽而有聲先鳴而後翼雞木畜也麗於陽而後有形  
先鼓翼而後鳴

蠡海集

鱗者鱣也魚產於水故鱗似鱣鳥產於林故羽似葉獸  
產於山故毛似草魚行上水鳥飛上風恐亂鱗羽也

本

草綱目

四尺八尺馬之龍也一角羊之龍也四距重翼雞之龍  
也騶虞尾長於身啄木舌長於朱後猓尾大於斗鵲鵲  
胡大於囊雉交不再雀交不一鵲傳枝烏茹沫鷺目成  
而受胎鵲形接而懷卵龜鼈相顧神交也鵲鵲相呖氣  
交也龍卵生而風化風氣化而卵生蝦蟆聲抱鴛鴦交

頸鯨魚胎生玄鶴胎化雀浴沙而受卵鰲隔津而望卵  
鰻以影漫鱧而子附其鬣鵲寄巢生子而鳥爲之哺甕  
兔望月孕子而口出科蚪聞雷脫尾而脚生蛟龍水居  
而卵剖於陵鳩鵲巢木而子生於穴蝮蛇生坼剖母腹  
寒蜩生坼裂母背鮫魚之子驚入母腹鳩鵲之子飛銜  
母翼雀四時有子鵲逐月有子鰕將生子呼母應雛既  
生母呼子應

小史集雅

鷺伏隨日朝首東而暮西鴈性隨陽秋賓南而春北鵲  
立順風而東向鷦乘逆氣而退飛鳥翅重於將雨蚊喙  
破於旣秋鳶朝鳴而大風鳩暮鳴而小雨月虐而魚腦

滅雪盛而蝗子沈

會經

蜉蝣三日蚤二十七日蟬三十日螽蛄不知春秋鼠壽  
三百援猴八百狐狸鹿各千鶴二千龜三千六百燕千  
年生胡髯龜千年鮮人言虎千年牙蛻而角生蟾蜍千  
年頭上有角額下有丹書八字千歲樹精爲青羊萬歲  
樹精爲青牛百歲狐精爲美女百歲蝙蝠爲仙鼠卻行  
螾屬及行蟹屬連行魚屬紆行蛇屬鴻行有序進有漸  
鵲鴿飛則鳴行則搖象行先以鼻柱地鸚鵡行先以口  
啄地

小史集雅

羚羊夜宿而懸角以掛木虎食青泥而解箭藥雉擦地



黃以擦鷹傷蚺蛇自見金瘡明無胆也雄鷄自斷其尾

憚爲犧也鴈有奴而伺夜羊有頭而率群

埤雅

蛇盤向壬狐潛上伏燕避戊巳蝠忌庚申猫見寅人而  
食子麀逢申日而過街狼識虛實虎奮衝破蛇曉方藥  
鳩善禁呪狡兔三窟而免鼯鼠五技而窮青鵠行避草  
木恐觸其喙翟雉高避霜雪而惜其尾山鷄照水而自  
溺矜其彩也鰐魚冒網而不動護其鱗也

日抄

羊性淫而狼豬性卑而率鶩性頑而傲狗性險而出鴉  
性淳不越橫草鳩性拙居鵲成巢麀性驚而喜山麋性  
迷而喜澤鹿性警而喜林鴛鴦野則義秦則搏水驚澤

則群擾則逐螻鼠前而兔後趨則頓走則顛蝸蟪形而  
螺殼驚則縮行則出驛馬喜前驚馬喜後麋喜聲音猱  
喜文彩鳥喜閒曠鵲喜稠間龍愛空青珠玉燒燕肉鳳  
飲砥柱湍棲梧食竹實鷹鵠食草犀食荆棘蛇食茱萸  
鰻鱧緣樹食藤花神龜緣樹食鳴蟬蛟食犀角蜃食燕  
子獫狁雞食銅鉄鳩鳬鴈食砂石鉄味辛害目魚龍護  
目故畏鉄蒿菜有毒蛇虺誤觸之而目瞑蠹辟於芸蚕  
生於蒿

小史集雅

鳥翼右掩左雄左掩右雌蜂尾有岐者牝銳者牡蟬臍  
圓者牝尖者牡雄曰狼蝥雌曰博帶雄曰璚瑁雌曰紫

鸛雄曰狙雌曰貍狎雄曰鷦雌曰鵠雄曰鵠雌曰鵠雄曰鵠雌曰鵠  
鵠雄曰鵠牝曰痺鵠雄曰運日雌曰陰諧馬牝曰鶩牝  
曰麇鶩雄者班雌者褐獫雄者黑雌者黃雄赤爲翡雌  
青爲翠雄鳴曰鶩雌鳴曰鶩雄鳴不鳴牝蟬不咽鶩雌  
乘雄鶩雌負雄鳩鵲雌前而雄後舒鴈雄呼而雌和狐  
不二雄麇當十牝鶩鳥雄小而雌大庶鳥雄大而雌小  
鳥之雄鶩於雌獸之牝猛於牡雄兔脚撲速雌兔眼迷  
離雄龍角昂峭目深鼻鬚尖鱗密上壯下殺朱火燁燁  
雌者角靡鼻直目圓鱗薄尾壯於腹鰲黃之雌雄相儷  
蛤蚧之雄雌相隨兔雖望月而孕其實雌砥雄毛孔雖

聞雷而孕其實雌接雄影鴛鴦之雌雄相配得其一則  
其一思而死青蚨之母子相隨得其一則其一飛而至  
禽蟲述

禽經曰烏鳴啞啞鸞鳴雍雍鳳鳴喈喈皇鳴啾啾雉鳴  
鸞鸞鷦鷯鳴咿咿鶯鳴嚶嚶鵲鳴喈喈鵠鳴喈喈鵠鳴嚶  
嚶蟬史

援臂通肩龜腸屬首象口隱於頤虎腎懸於腹龜甲裹  
肉鱉肉裹甲虎頭高峙貉頭尖銳鹿頭側長犀頭高廣  
狼腸直羊腸曲螺形蛻蚌形剡蛟眉連蝮鼻反梟陽踵  
反鳥之中搗無舌魚之中鱧有舌鸚鵡人舌摩其背而

瘖鸛鵠足交剪其舌而言魚無耳蟬無口馬無胆獾無  
髓羊無神蚓無筋蟻無骨猴兔無脾蠶螢無胃狸狒無  
尾螭螭無腸蛤蜊無臟鼯狐無尾蝱蛭無鼻鳥無胃肺  
虎無小腸豹無前足牛羊之齒有下而無上搗之指有  
前而無後牛目有豎瞳而無橫瞳故見物輒長羸股有  
鎖骨故不能滋息鸛以喙鳴鼃以脰鳴蜴以胸鳴螭以  
胃鳴螽斯以股鳴發皇以翼鳴龍以角聽牛以鼻聽蜂  
蝶之屬以鬚當鼻蛇豸之屬以腹當足蟬螭膀鳴響於  
口螭螭背行駛于脚丹薰之山耳鼠以尾飛天池不山  
飛兔以背飛

驢交馬而騾生馬交駟而駃騠生牛交驢而騎驘生駟  
交牛而駢駒生馬感于龍而生驥牛感于龍而生麟○  
驊騮作駒已汗血駃騠生三日而超其母虎豹之駒雖  
未成文而氣已食牛牛有黃犬有寶龍有尺木虎有威  
骨狐有媚珠兔有建毛

小史集雅

### 一字鳥

鳳

鸞

鶴

燕

雉

雀

鵲

鸞

烏鴉

鴿

鷓鴣

鳩

梟

鸞

天老對黃帝曰鳳象鴻前麟後蛇頸而魚尾龍文而龜  
身燕頤而雞喙戴德負仁抱忠挾義小音金大音鼓延  
頸奮翼五彩備明舉動八風氣應時雨食有質飲有儀  
往即文始來即嘉成惟鳳爲能通天趾應地靈律五音

覽九德天下有道得鳳象之得一則鳳過之得二則鳳  
翔之得三則集之得四則春秋下之得五則沒身居之  
黃帝曰於戲允哉朕何敢與焉乃黃衣黃紳黃冕致齋  
于宮中鳳乃蔽日而至帝乃降東階西向再拜稽首曰  
皇天降趾敢不承命鳳乃止東園集梧桐食竹實沒身  
不去

蟬史

辛繕嘗隱居華陰光武徵不仕至有大鳥高五尺五色  
備舉而多青栖繕槐樹旬時不去弘農太守以聞詔問  
百僚咸以爲鳳太史令蔡衡對曰凡象鳳者有五多赤  
色者鳳多青色者鸞多黃色者口多紫色者鵠多白色

者鵲此鳥多青乃鸞非鳳也上善其言

以疑注

金太和時磁州武安縣石聖臺有鳳從東南來眾鳥圍之大者在內小者在外以萬計村民懼驅牛數十頭擊析以從欲逐去之未至二里即有鸞鳥振翮逆擊翼長丈餘擊水牛皆死肉盡見骨於是報官鳳高丈餘尾如鯉而色殷九子差小翼其旁鳳爲日照則有二大鳥更迭盤旋庇蔭之日入乃下凡三日乃從西北摩空而去縣中三日無鳥雀鳳去後人視其處有食殘鯉魚數頭皆重五六十斤臺傍溝澮鳥糞皆滿小禽折翅死者甚衆村民掘臺下三尺許得金劍不可取折其半煨之化



爲金蟬飛去此一異也華陰有鳳居山一名龍骨云唐  
開元中有鳳遂二龍至此龍墮地化清泉二道鳳憤而  
死其一龍被鳳爪傷流血泉色遂赤鳳死時山之僧以  
石函瘞其骨於山巔壘磚爲塔覆之因以名山景泰癸  
酉鄉民因築城盡取塔磚石函始露上有刻字景祐四  
年重修啟函鳳脰骨長二尺圍可六寸股骨長一尺五  
寸圍如脰骨其潔如玉語云鳳喜食龍腦故龍畏之又  
一異也

文海披抄

蜀賁國王得一鸞欲其鳴不可致飾金繁饗珍羞對之  
三年不鳴夫人曰常聞鸞見類則鳴乃懸鏡照之鸞覩

影悲鳴冲霄一奮而起

異苑

廬山遠法師未出家善弩射嘗於鶴窟射得雀雛後復  
伺鶴母見將射之雀不動翔觀之已死於窠中疑其愛  
子致死破視心腸皆寸絕法師於是放弩發菩薩心

江  
總集

李惠長於思察雍州聽事有燕爭巢閤已累日惠令人  
掩獲試命綱紀斷之並辭惠乃使卒以弱竹彈兩燕既  
而一去一留惠笑謂吏屬曰此留者自計爲巢功重彼  
去者既經楚痛理無固心群下伏其深察

後魏書

易曰離爲雉離火也其體文明性復炎悍故爲雉禮記

曰雉性剛而守節周禮云大夫執雁士執雉雉取其有文采而守介也陸佃曰雉死耿介好壘護疆善鬪雖飛不越分界一界之內以一雉爲長餘者雖衆莫敢鳴鵩

蟬史

張堅字刺渴漁陽人少不羈無所拘忌常羅一白雀愛而養之天劉翁責怒每欲殺之白雀輒以報堅堅設方待之終莫能害天翁遂下觀之堅盛設欸之乃竊乘天翁車騎白龍振策登天天翁乘餘龍追之不及堅旣到玄宮易百官杜塞北門封白雀爲上卿侯改白雀之胤不產於下土劉翁失治徘徊五岳作災天帝患之以劉

翁爲太山太守主生死之籍

集異志

成子爲郡主簿聞雀鳴謂在坐人曰東市輦粟車覆以雀相呼往食之衆人遣視信然

朱賢盡讚

楊宣爲河內太

守行縣有群鵲鳴桑樹上宣曰前有覆車粟此鵲相隨欲往食行數里果有覆車粟

耆舊傳

孔子見羅者所得雀皆黃口也孔子曰黃口盡得大雀獨不得何也羅者對曰黃口從大雀者不得大雀從黃口者得孔子顧謂弟子曰君子慎所從

家語

武衛奚永洛與河內人張子信對坐有鵲鳴於庭樹間而墮焉子信曰鵲言不善向夕若有風從西南來歷拂

堂角則今夜有人喚公不得徃子信去後果有風來至  
夜高儼使召永洛且云勅喚永洛欲赴其妻苦留稱墜  
馬腰折免於難

北齊書

頃年有人取得黃鶯雛養於竹籠中其雌雄接翼曉夜  
哀鳴於籠外絕不飲啄乃取鷦置於籠外則更來哺之  
人或在前畧無所畏忽一日不放出籠其雌雄繞飛鳴  
無從而入一投水中一觸籠而死剖腹視之其腸寸斷

玉堂閒抄

東方欲曙花冥冥鶯啼相喚亦可聽乍去年來時近遠  
纔聞南陌又東城忽似上林翻下苑綿綿蠻蠻如有情

欲嚶不嚶意自嬌  
羗兒弄笛未應調  
前聲後聲不相及  
秦女學箏柱猶澁  
須臾風暖朝日暎  
流音變作百鳥喧  
誰家嬾婦驚殘夢  
何處愁人憶故園  
有時斷續聽不了  
飛去花枝猶裊裊  
還棲碧樹鎖千門  
春漏方殘一聲曉

韋蘇州賦

日之行夏至漸南  
冬至漸北鴻鴈南  
北與日進退隨陽  
之鳥故稱陽鳥也

丹鉛總錄

元魏時北夷酋長遣子入侍者常秋來春去避中國之熱時人謂之雁臣

伽藍記

元始祖即位遣學士郝經使宋告即位且定和議賈似

道恐奸謀畢露乃拘留郝經於真州忠勇軍驛吏防守  
嚴於獄犴介作或不能堪經語之曰將命至此死生進  
退聽其在彼守節不屈聽其在我豈能不忠不義以辱  
中州士大夫乎每夕稽顙告天忽一日有一鴈落經帳  
下經用帛書託鴈傳之係於頸下祝曰好向北蜚獻吾  
天子詩云霜落風高縱所如歸期回首是春初上林天  
子援弓矢窮海孤臣有帛書次年春虞人獲鴈以奏元  
主遂使丞相伯顏領兵伐宋宋懼遣經還求和不允遂  
貶賈似道死於綿州

元史

昔鴈王啣果獻雜寶藏經迦尸國有五百鴈爲群侶爾

時鴈王名曰賴吒鴈王有臣名曰素摩時此鴈王爲獵師捕得五百群鴈皆棄飛去惟有素摩隨逐不捨語獵師言請放我王以身代之獵師不聽遂以鴈王獻梵摩曜王鴈王曰惟願大王放一切鴈使無所畏五百群鴈在王殿上空中作聲時曜王問言此是何鴈鴈王言是我家屬王即施無畏不聽遂殺鴈王

華夷考

楚令尹子元以車五百乘伐鄭諸侯救之楚師夜遁鄭人將奔桐丘謀告曰楚幕有烏乃止○晉侯伐齊齊師夜遁師曠告晉侯曰烏烏之聲樂齊師其遁叔向告晉侯曰城上有烏齊師其遁

左傳



何敬洙善彈射性勇決微時爲鄂帥李簡家僮李性嚴  
毅果於殺戮左右給使之人小有過愆鮮獲全宥何嘗  
因薄暮與同輩戲於小廳下有蒼頭取李公所愛硯擊  
於手中謂諸僮曰誰敢破此何時餘酣乘興厲色而應  
曰死生有命吾敢碎之乃擲硯于石階之上鏗然毀裂  
群豎迸散無敢觀者翊日李衙退視事責碎硯之由主  
者具以實對李極怒命擒何至死不旋踵矣李之夫人  
素賢明知何有奇相每曰異日當極貴至是匿何後堂  
中旬浹之間李怒未解夫人亦不敢救一日李獨坐小  
廳有一烏申喙向李而噪其聲甚厲李惡之遂拂衣往

後園池中鳥亦隨之叫噪不已命家人多方驅逐略  
無去意李性既褊急恚怒愈甚顧左右曰何散洙善彈  
亟召來能斃此畜當釋其罪何應召而來注丸挾彈應  
弦斃之李佳賞至再遂捨其罪擢爲小校以軍功累建  
旌鉞建隆初自江西移鎮鄂渚下車之日小亭中復見  
一鳥顧何而鳴何曰昔日全吾之命得非爾乎乃取食  
物自置諸掌鳥翻然而下食何掌中其後何位至中書  
令守太師致仕功算崇極時莫與比靈禽之應豈徒然  
哉

後山談叢

巴陵鴉不畏人除夕婦女各取一隻以米果食之明日

各以五色縷繫于鴉頸放之視其方向卜一歲吉凶其  
占甚多大畧云鴉子東與女紅鴉子西喜事臨鴉子南  
利桑蚕鴉子北織作愈甚驗又元旦梳頭先以櫛理其  
羽毛祝曰願我婦女黥髮髟髟惟百斯年似其羽毛故  
楚人謂女髻爲鴉髻

潛居錄

張浚常按視曲端軍執過以軍禮見聞無一人公異之  
謂欲點視端以所部五軍籍進公命點其一部於廷間  
開籠縱一鵠以往而所點之軍隨至張爲愕然旣而欲  
盡覲於是悉縱五鵠則五軍頃刻而集戈甲煥燦旗幟  
精明魏公雖獎其心實忌之

齊東野語

魏公子無忌方食有鷄逐鳩鳩逃下鷄去公子縱鳩出  
鷄逐殺之公子暮爲不食曰鳩避患歸忌竟爲鷄所得  
吾負之爲吾捕得此鷄者無所愛於是左右宣聲捕得  
鷄三百以奉公子欲盡殺恐無辜乃自按劍至籠問曰  
誰獲罪無忌者一鷄獨低頭不敢仰視乃取殺之盡放  
其餘

烈士傳

高祖與項羽戰敗遁叢薄中羽追求之時鳩鳴其上追  
者以鳥在無人遂得脫及即位異此鳥故作鳩杖以賜  
老者按少皞五鳩鳩者聚聚民也周禮羅戶獻鳩養老  
漢無羅戶故作鳩杖以扶老

風俗通

涼州張重華遣謝艾伐麻狄引師出振武夜有二梟鳴于牙中艾曰梟者邀也六博得梟者勝今梟鳴牙中克敵之兆果大破之

百勞一名梟能捕燕雀小禽食之又能禁蛇以其食毋故古人賜梟羹又標其首于木故後人標賊首以示衆者謂之梟首

遯齋閒覽

梁武太清三年侯景圍臺城遠不通問簡文作紙鳶飛空急於外侯景謀臣王偉謂景曰此紙鳶所至即以事達外令左右善射者射之及墮皆化爲鳥飛入雲中不知所往

獨異志

二字鳥

孔雀

杜鵑

鸚鵡

鸚鵡

鸚鵡

孔雀雄者毛尾金翠性故妬雌馴久見童男女着錦綺必趨啄之山棲時先擇處貯尾然後置身天雨尾濕羅者且至猶珍顧不復騫舉卒爲所擒又山鷺亦愛重其尾終日映水目眩輒溺

蟬史

蜀之先肇於人皇之際黃帝子昌意娶蜀人女生帝嚳後封其支庶於蜀始稱王者自名蚕叢蜀之後主名杜宇號望帝有荆人鰲靈死其屍浮水上至汶山下又復生望帝見之用爲相以已之德不如鰲靈讓位鰲靈立號開明望帝自逝之後欲復位不得死化爲鵲每春月

間晝夜悲鳴蜀人聞之曰我帝魂也名杜鵑又名杜宇  
又號子規

寰宇記

邵康節先生行洛陽天津橋忽聞杜宇之聲嘆曰北方  
無此物異哉不及十年有江南人以文字亂天下者乎  
客曰聽杜鵑何以知此康節曰天下將治地勢自北而  
南將亂自南而北今南方地氣至矣禽鳥飛類得氣之  
先者也後果至王安石亂法

聞見錄

杜鵑相推而鳴先鳴者吐血死嘗有入山行見一群寂  
然聊學其聲即死初聽其聲者主離別鵲巢中必有梁  
崔圓相公妻在家時與姊妹戲於後園見二鵲構巢共

銜一木如筆管六尺餘安巢中衆悉不見俗言見巢上

梁必貴

玳瑁解

昔有人飲於錦城謝氏其女窺而悅之其人聞子規啼  
心動即謝去女恨甚後聞子規啼則怔忡若豹鳴使侍  
女以竹枝驅之曰豹汝尚敢至此啼乎故名子規爲謝  
豹

成晉舊事

宋天台黃巖正等寺觀師畜一鸚鵡常隨人念阿彌陀  
佛一旦立死籠中乃穴土而葬之舌端生紫蓮花大智  
律師爲之頌曰立亡籠閉渾閑事化紫蓮花也大奇

夷考



有鸚鵡飛集山中禽獸輒有愛重之去後山中有火鸞  
鵠入水霑羽飛洒之天神曰汝雖有志何足云鸚鵡曰  
常僑止此山禽獸行善不忍見加天神感之爲雨滅火  
靈驗記

東都有人養鸚鵡以其慧甚施於僧僧教之能誦經往  
徃架上不言不動問其故對曰身心俱不動爲求無上  
道及其死焚之有舍利

獨異志

漢元封五年勒畢國貢細鳥以方尺籠盛數百大如蠅  
狀如鸚鵡聲聞數里上得之放於宮內旬日不知所止  
求不得惜之甚明年此鳥復來集於帷幄之上或入衣

袖更名曰蟬鳥宮人婕妤皆悅之

拾遺記

林邑獻五色鸚鵡新羅獻美女二人魏徵以爲不宜受  
太宗喜曰林邑鸚鵡猶能自言苦寒思歸其國况二女  
遠別親戚并鸚鵡各付使者歸之

新羅雜誌

蔡確貶新州侍兒名琵琶有鸚鵡甚慧確每扣響板鸚  
鵡呼其名琵琶卒後響板扣猶傳呼確抱恨有詩曰鸚  
鵡言猶在琵琶事已非傷心瘴江水同渡不同歸

詩話

許漢陽舟行迷入一溪夾岸皆花苞一鸚鵡喚花開一  
聲花苞皆折中各有美女長尺許能笑言至暮花落女  
亦隨落水中

華夷花木考

唐玄宗宮中養鸚鵡數百一日問之曰思鄉否對曰思鄉遂遣中貴送還山中後數年有使臣過隴山鸚鵡問曰上皇安否使臣曰上皇崩矣鸚鵡聞之皆悲鳴不已使臣賦詩曰隴口山深草木荒行人到此斷肝腸耳邊不忍聽鸚鵡猶在枝頭說上皇

天寶遺事

昔有丈夫與女子相愛自季夏二十六日以書牋相通來年是日篋中殆滿皆憑一鳥往來此鳥殊解人意至是日忽對女子喚曰情急了女子因書繫其足曰秋期若再不果有如白日惟其所爲因名此鳥爲情急了沈如筠詩云好因秦吉了一爲寄深情後人又呼吉了

謝

氏詩源

瀘南有畜秦吉了者亦能人言有夷首欲以錢五十萬買之其人告以貧將賣爾秦吉了曰我漢禽不願入夷中遂不食而死

萬花谷

天后時左衛兵曹劉景陽使嶺南得秦吉了二隻能解人語至都進之留其雌者雄煩怨不食則天問曰何乃無聊也鳥曰其配爲使者所得頗思之乃呼景陽曰卿何故藏一鳥不進景陽叩頭謝罪乃進之則天不罪也

異物志

山鷓鴣朝朝暮暮啼復啼時霜白風淒淒黃茅岡頭

秋日晚苦竹嶺下寒月低畚田有粟何不啄石楠有枝  
何不棲迢迢不緩復不急樓上舟中聲暗入夢鄉賈客  
展轉卧抱兒寡婦傍徨立山鷓鴣爾本他鄉鳥不辭巢  
不別群何苦聲聲啼到曉

杜詩

鳥之生矣於彼江山彩之玄素文不綺班備文武之玉  
飾微妖姬之殊顏遊必海裔棲必雲間冀養拙以自保  
祛未萌之憂患

蕭穎士白鵬賦

五月五日明皇避暑游興慶池與妃子晝寢于水殿中  
宮嬪輩凭欄倚檻爭看雌雄二鷓鴣戲于水中帝時擁  
貴妃于綃帳內謂宮嬪曰爾等愛水中鷓鴣爭如我被

底鴛鴦 明皇雜錄

鳥異

三鳥 鳩鳥

稀差 批類

蝙蝠 禽語

鴛鴦 禽屬

白鴿

西王母有三鳥一曰青鍾二曰鶴三曰燕子常令三鳥

送書於漢武帝也

鄉媛記

稀差者南中鳥也數十年一至至期則雌雄繞樹而飛

不止數日忽一接遺精在地人掘而乾之食一毫足助

一夕之歡

漱石閒談

宋初淮南郡有物髡人髮太守朱誕曰吾知之矣多置

糲以塗壁夕有一蝙蝠大如雞集其上不得去殺之乃

絕觀之屋簷下已有數百人頭髻

幽明錄

陸佃曰鴛鳥善爲禁法能曲爪畫地爲印則穴之塞自  
開飛則以翼墁之今鼠竊用其印以發局鑰

山堂肆考

計然者蔡丘漢上人晉三公子姓辛氏字文子博學無  
所不通范蠡知其賢卑身事之請受道藏於石室乃刑  
白鵠而盟焉

范子

有任嶺南者于山寺登厠忽見異禽集石上跳躍作聲  
若巫家禹步然須臾石下出一青蛇啣之而去寺僧云  
此鳩鳥也又蘄州黃梅山有鳩巢于山岩大木中巢下  
數十步無生草每春生一子能飛即送出山惟二雌雄

獨留

遜齋閑覽

唐盧延遜詩樹上鶻詼批頰鳥窓間壁剝叩頭重王半山詩翳木窺搏黍藉草聽批頰元人送春詩批頰穿林叫新綠韓致堯春恨詩殘夢依依酒力餘城頭批頰伴啼鳥平明乍捲西樓幙院靜初聞放轆轤批頰鳥名即鴟鵂也催明之鳥一名夏鷄俗名隔墻雞

丹鉛總錄

白龜年得李太白遺書一卷曰讀之可辨九天禽語大地獸言龜年後遊潞州太守召而問之庭下有二雀啾唧而過太守曰彼何言也城西民家有廩餘粟在地呼食之守使人視之果然又見廐馬仰首而嘶問曰此何言曰槽中料熟不可食時近清明將吏驅羊十餘頭後



一羊鞭之不動太守問羊不動有說乎曰羊言腹有羔將產然後就死守乃留羊一月餘果生子

翰府名談

倉庚之屬象東方木朱鳥之屬象南方火黃鳥之屬應中央土以象季夏白鷺之屬象西方金玄鳥之屬象北方水

師曠禽經

鷄 鷺 鴨

禽鳥得氣之先者也丑前鷄先鳴者陽氣動也午中鷄亦鳴者陰氣動也玄鳥鴻鴈往來亦是陰陽默感

諸書

錄王褒曰魚瞰鷄睨李善以爲魚目不瞑鷄好邪視

堂肆考

雞或乙丙夜輒鳴者俗謂之盜啼云行且有赦故後魏  
北齊南宮大赦於殿門外建金雞衆皆不識其義問於  
司馬膺之對曰海中日占云天雞星動爲有赦帝王以  
爲候至今猶然亦曰盜啼爲有火

濟南都有鵝浦有漁人居水側常聽鵝聲衆中有鈴聲  
甚清亮候之見一鵝咽頸極長羅得之項上有鈴以銀  
鎖隱起元鼎元年字

述異記

我太祖幼時嘗見群鵝遊於庭戲以青白二紙旗左右  
豎立命之曰青者立青旗下白者立白旗下違者死群  
鵝應聲如命而往獨一花鵝不知所適往來於青白之

間上殺而食之

明興雜記

廣州滄涯縣金池王家有養鵝鴨池嘗於鴨糞中見麩金遂多收搗之日得一兩緣此而致富貴子孫皆爲使府劇職三世後池即無金王氏力殫矣

嶺南異志

陸龜蒙有聞鴨一欄頗極馴養一旦驛使過焉挾彈斃其尤者龜蒙曰此鴨善人言見欲附蘓州上進使者柰何斃之使人懼盡與橐中金以窒其口徐使問人語之狀龜蒙曰能自呼名耳

王氏景苑

陳懷卿嶺南人也養鴨百餘頭後于鴨欄中除糞糞中有光燐然試以盆水沙汰之得金十兩乃覘所食處於

舍後山足下土中有金銷得數千斤遂巨富

朝野金

載

劉氏鴻書卷八十九

終

第九十卷

鳥獸部二

虎

行者波盧

虎采

白虎

夢虎

虎厄

化虎

畫虎

虎王

虎頭

虎媒

虎報

虎軒

虎眉

小虎

狼狽 犀 象 熊 麝 鹿

駕狼

腸直

小兒犀

馴象

怒象

義熊

置熊

保臍

性警

解毒

甬鹿

鹿王

牛羊

騎牛

白蹄

千里牛

糞金

格虎

牛報

脩羊

學士羹

馬騾驢

抹馬法

上太行

穴馬

相馬

鳥追

赤兔

獅子驄

鑄馬

眇馬

育馬

駟氏驄

馬不嘶

舞馬

六馬贊

汚朕七首

玉馬

忠馬

良馬

千里驢

王粲八驢

騎驢

騾子都尉

卷九十目錄終

劉氏鴻書卷之九十

明 宣城劉仲達 纂輯

太史湯賓尹 刪正

鳥獸部二

虎

龍湖普聞禪師僖宗第三子也入山墾種後谷口之人  
相謂曰僧入山經今不出必爲虎所啖往視之見茅廬  
一所行者數人指呼百諾而重崗複嶺菜已青矣蓋耕  
地播種者乃山神所授行者乃虎也又吉陽治在涪州  
南沂黔江三十里得之有寺像設古碑猶在物業甚多



人莫敢犯涪州裨將蘭庭雍妹因過化中盜取常取物  
因卽迷路數日之內身變爲虎其前足之上銀纏金釧  
宛然猶存每見鄉人隔村與語云我盜化中之物變身  
如此求見其母託人爲言之母畏之不敢徃虎來徃郭  
外經年漸去古者胎教欲見虎豹勇擊之物虎子纔生  
三日卽有食牛之氣其不能搏噬者輒殺之爲墮武也  
考之漢舊儀銅虎符發兵長六寸竹使符出入徵發古  
今注云銅虎符銀錯書之張晏云銅取其同心也呂后  
之崩年齊王中尉給齊相召平曰王欲發兵非有漢虎  
符驗也東萊曰文帝以前盖有虎符矣此謂初作者豈

非用銅於此始乎又山林中出一等飛虎如貓之大遍  
才已灰色有肉翅如蝙蝠翅一般前足肉翅生連後足  
能飛不遠人或裝得者不服家食卽死出啞魯國○  
猾無骨入虎口虎不能噬處虎腹中自內嚙之今云變  
夷猾夏取此義南詔國呼虎爲波盧羣玉又云有丹之  
虎名曰虎能行水中

紂囚文王閔天之徒請林氏有珍獸虎采修尾日行千  
里求得此獸獻之紂大悅乃釋之

六韜

虎大寒之日始交七月而生性至猛烈雖遭逐猶復徘徊  
顧步其傷重者輒咆哮作聲而去聽其聲之多少知

去之遠近率鳴一聲者爲一里。靠岩坐倚木而死終不僵仆。其搏物不過三躍不中則捨之。秦昭襄王時白虎爲害自秦蜀巴。漢惠之昭王乃重募國中有能殺虎者。邑萬家金帛購之。於是夷胸臆廖仲藥何謝虎秦精等乃制白竹弩如高樓上射白虎中頭三節。白虎常從群虎瞋恚盡搏殺群虎。大吼而死。昭王嘉之曰虎歷四郡害千二百人一朝患陰功莫大焉。欲如要且嫌其夷人乃刻石爲盟要復夷人頃田不租千妻不併傷人。不論殺人顧死。秦犯夷輸黃龍一雙夷犯秦輸清酒一鍾夷人安之。

漢景帝好遊獵見虎不能得之廼爲珍饌祭所見之虎  
帝因夢虎曰汝祭我欲得我爪皮耶我今自殺從汝取  
之明日帝入山果見此虎死在祭所乃命剥取皮牙餘  
肉復爲虎焉

獨異志

晉孝武母李太后簡文時執役宮中簡文無子令善相  
者相諸宮人相者指后當生貴子而有虎厄帝幸之生  
武帝及會稽王道子旣爲太后服相者之驗而怪虎害  
無謂且生未識虎乃令工圖形戲擊之便患手腫而崩

晉書

長沙居民作檻伺虎明日衆人共往格之見一亭長赤

續大冠在檻中曰急出我民曰君被縣召不當有文書  
耶亭長即出懷中縣召文書于是出之尋視之化爲虎  
搜神記

唐鍾傳洪縣人少射獵醉遇虎與鬪虎不勝遂擒之僖  
宗朝拜荆南節度使檢校太保中書令潁川郡王旣貴  
人皆慕之乃戒子孫曰士處世尚知與謀暴虎何足尚  
哉畫暴虎之狀以戒子孫

虎奮

慈州稽胡者以弋獵爲業開元末逐鹿深山鹿急走投  
一室有道士朱衣凭案而坐見胡愕驚問其來由胡遂  
具言姓名云適逐一鹿不覺深入辭謝衝突道士謂胡

曰我是虎王天帝令我主施諸虎之食一切獸各有對  
無枉也適聞汝稱姓名合爲吾食因檢簿籍以示胡戰  
懼良久固求釋放道士云天命奈何若放汝便失我一  
食汝旣相遇必爲取免久之乃云明日可作草人以已  
衣服猪血三斗絹一匹持與俱來或當免胡遲回未去  
忽見群虎來朝道士處分所食遂各散去胡尋再拜而  
還翌日乃持物以詣道士笑曰爾能有信故爲佳士因  
令胡舉草人入庭中置猪血于其側然後令胡上樹以  
下望之高十餘丈云止此得矣可以絹縛身著樹不爾  
恐有損落尋還房中變作一虎出庭仰視胡大嗥吼數

四向樹跳躍知胡不可得乃攫草人擲高數丈往食豬  
血盡入房復爲道士謂胡曰可速下來胡下再拜便以  
案上朱筆勾胡名于是難免

廣異記

唐天寶末祿山作亂潼關失守京師之人烏散梨園弟  
子有笛師者亦竄終南山谷中有蘭若因而寓居清宵  
朗月哀亂多思乃援笛而吹嘹唳之聲漫山谷俄有物  
虎頭人形着白袷單衣自外而入笛師驚懼下階愕眙  
虎頭人曰美哉笛乎可復吹之如是累奏五六曲曲終  
久之怠寐乃哈嘻大鼾師懼覺乃抽身走出得上高樹  
枝葉陰密能蔽人形其物覺後不見笛師因大懊嘆曰

不早食之被其逸也乃立而長嘯須臾有虎十餘頭悉  
至狀如朝謁虎頭云適有吹笛小兒乘我之寐因而奔  
竄可分路四遠取之言訖各散去五更後復來云各行  
四五里求之不得會月落斜照忽見人影在高樹上虎  
顧視笑曰謂汝雲行電滅而乃在茲遂率諸虎攫取旣  
不可及虎頭復跳身亦不至遂散去少間天曙行人稍  
積笛師乃遁還

廣韻異編

唐乾元初吏部尚書張鎬貶辰州司戶先是鎬之在京  
以次女德容與僕射裴冕第三子前監田尉越客結婚  
焉已尅迎日而鎬左遷遂改期來歲之春季其年越客



則束裝南邁以畢嘉禮仲春距辰百里鎬知其將至矣  
張斥在遠方抱憂惕深喜越客遵約而至因命家族宴  
於花園而德容亦隨姑姨妹遊焉山郡蕭條竹樹交密  
日暮衆將歸或後或先紛紜笑語忽有猛虎出自竹間  
遂禽德容跳入薊薈衆皆驚駭奔告張夜色已昏計力  
俱盡舉家號哭莫知所爲及曉則大發人徒求骸骨於  
山野間週迴遠近曾無蹤跡是夕之前夜越客行舟去  
郡三二十里尚未知其妻之爲虎暴乃召僕夫十數輩  
登岸徐行其船亦隨焉不二三里遇水次板屋屋內有  
榻因掃拂卽之憇焉僕從羅列於前後俄聞有物來自

林木之間衆乃靜伺微月之下忽見猛虎負一物至衆皆惶撓則共闕喝之仍大擊板屋并物其虎徐行尋俯於板屋側留下所負物遂入山間共窺看云是人尚有餘喘越客即令舁之登舟因促使解纜然後船中燃燭熟視乃是十六七美女人也容貌衣服固非村間之所  
有越客深異之則遣群婢看眡雖髮髻披散衣服破裂而身膚無少損群婢漸以湯飲灌之即能微微入口久之神氣安集俄復開目與之言語莫肯應夜久即有自郡至者皆云張尚書次女昨夜遊園爲暴虎所食至今求其殘骸未獲聞者遂以告於越客即遣群婢具以此

詢德容因號啼不止越客既登岍遂以其事列於鎬鎬  
凌晨躍馬而至旣悲且喜遂與同歸而婚媾果諧其期  
自是黔峽徃徃建虎媒之祠焉

述異記

滄州饒安縣有人野行爲虎所逐旣及伸其左足視之  
有大竹刺貫其臂虎俯伏貽耳若請去之其人爲拔之  
虎甚悅宛轉搖尾隨其人至家乃去是夜投一鹿於庭  
如此歲餘投野豕麀月月不絕或野外逢之則隨行其  
人家漸豐因潔其衣服虎後見改服不識遂嚙殺之家  
人收葬已虎復來其家母罵之曰吾子爲汝去刺不知  
報德反見殺傷今更來吾舍豈不愧乎虎羞慚而出然

數日常傍其人既不見後知其誤殺乃號呼甚悲因入至庭前奮躍折脊而死見者咸異之

宋范文穆公愛談虎事嘗構一軒榜曰說虎予齋居無事客有談及此者因舉舊聞一二以資博識虎類能識人氣未至百步輒伏而嗥聲震山谷須臾奮躍搏人人有勇者不爲之動虎止而坐逡巡弭耳而去又虎骨甚異雖咫尺淺草能身伏身露其虢然作聲則鬼然大矣又虎不食小兒兒癡不知虎之可懼故不得而食兼不食醉人必坐守以俟其醒非俟其醒俟其懼也又人或懼虎口其神魂被虎所役徃徃爲之前導今之人凡死

於虎者衣服巾履皆列置於地非虎之威能使之自解是鬼之爲也又虎飢則兼啖果實不特獸也凡食男子必自勢起婦人必自乳起惟不食婦人之陰或遇之者當作勢與之敵而屢退引至曲路即可避去盖虎不行曲路故也又虎食犬則醉犬虎之酒也

百家名書

明洪武時天長縣牧奏本縣民人戴某朝出其妻牧牛於野平昔豢犬隨之至是俄而入草莽不出戴氏之妻牽牛尋之未百步見虎據叢而食之虎見人至棄犬趨人而妻爲虎搏矣牛見主有難忿然而前虎乃釋人而應牛二物交加哮吼而弄爪牙者虎側二角而奔擊者

牛不逾時而虎負牛勝人難消矣因是朝廷賜一牛以代前牛力耕待其自終

本集

宋某者身小而勇健善手搏以便捷取勝吳下目爲小虎自言遇灌口二郎授以法文皇時外國進長人曰海衰膂力絕倫詔募能制之者或以小虎薦召見令與角技上臨觀焉海衰身長踰丈聲鳴如鍾伏下見者皆辟易顧小虎眇然一夫耳海衰固弱視之前提其髻去地數尺曰爾欲何等死小虎佯作啞嚶狀曰任公死生乘其不意徑捉其腎囊力粹之海衰不勝痛偃於地爲小虎拳蹴至死上喜厚賞之

枝山野記

狼狽 犀 象 熊 麝 鹿

狼狽是兩物狽前足絕短每行常駕兩狼失狼則不能動故世言事乖者稱狼狽

國憲家猷

狼腸直故作聲諸

竅皆沸邊庭侯望燒狼烟以其直上風吹不斜今馬之

駿者溺皆射前足

全雅

東海蔣潛嘗至某縣見林下踣一屍已臭爛烏來食之輒見一小兒長三尺許來驅烏烏乃起如此非一潛異之乃就看之見死人頭上著通天犀導價數萬錢乃拔取之既去衆烏爭集無復驅者潛後以此導上晉武陵王王薨以襯衆僧王武剛以九萬錢買之後落褚太宰

處褚以餉齊故丞相豫章王王死後內人江夫人遂斷  
以爲釵每夜輒見一兒繞床頭啼叫云何爲見屠割必  
當相報終不獨受枉酷江夫人惡之月餘薨

續齊諧記

始興郡陽山縣人行田忽一象以鼻卷之遙入深山見  
一象脚有巨刺此人牽挽得出病者即起載人入一紆  
紉地以鼻掘出數條長牙送還原處本境苗稼常爲象  
所困其象俗呼大客因語曰我田稼在此恒爲大客所  
犯若念我者勿見侵便覺躑躅如有馴解於是全家安  
業絕無其患

湘中記

林邑人殺象象怒布陣以聞之人登樹取衣掛樹枝緣



它樹而走象見衣以爲人存以鼻汲水灌樹且倒不見  
人怒踏碎其衣而去

安南志

晉昇平中有人入山射鹿忽墮一坎窅然洞絕內有數  
頭熊子須臾有一大熊來瞪視此人人謂必害已良久  
出藏果分與諸子末一分置此人前人飢甚冒死取啖  
之旣而轉相狎習熊母每旦出覓果食還輒分食此人  
賴以延命熊子後大其母一一負之而出子旣盡人分  
死坎中熊母尋復入坐人傍人解其意便抱熊脚於是  
躍出竟得無他

搜神記

唐寧王嘗獵于鄆縣界草中得一櫃發之乃一少女也

自言姓莫氏庄居昨夜遇賊刼至此賊中二人是僧王  
命載以後乘時方獲一生熊置櫃中如舊鎖之時上方  
求極色王即日表上之具其由令充才人經三日京兆  
奏鄠縣食店有僧賃店作法事惟舁一櫃入店中夜久  
脇膊有聲店人怪其日出不啟門撒戶視之有熊衝人  
走出二僧已死骸骨悉露上知之大笑曰寧哥大能處  
置此僧

酉陽雜俎

慎徽曰楊億談苑云商汝山中多麝遺糞常在一處不  
移人以是獲之其性絕愛其臍爲人逐急即投巖舉爪  
剔裂其香就繫而死猶拱四足保其臍

蟬史

鹿性警群居則環其角圓圍如陣以防人物之害軍中  
寨柵埋樹木外向亦名曰鹿角○胡居士云鹿性驚烈  
多別良草恒食九物餘則不嘗群處必依山岡產歸下  
澤享神用其肉者以其性烈清淨故也凡餌藥者勿食  
鹿肉服藥必不得力以鹿嘗啖解毒之草是故能制毒  
散諸藥也九草者葛葉及花鹿蔥鹿藥白蒿水芹甘草  
齊頭蒿山耳薺芄

書焦

漢成帝末年宮中雨一蒼鹿殺而食之其味甚美

述異

記

漢楚元王出獵群鹿趨山背王引兵逐之鹿陷大谷王

以兵塞之詰朝欲盡其類既曉兵合一巨鹿突圍跪請  
曰我鹿首也爲王見逐迹無地然古者不掩群故仁及  
獸鹿與人雖異其惜命則一吾願日輸一鹿使王庖不  
虛吾類亦得蕃息何如王乃擲弓曰汝鹿王也知愛汝  
民乃下令殺鹿者與殺人罪同後吳侵楚萬鹿乘月黑  
奔吳軍若萬馬聲吳軍驚遁鹿王因見楚王叙其報恩  
曲折楚王愧感爲鹿王立廟

漢事

## 牛羊

瓊州不產驢馬人多騎黃牛亦飾以鞍韉加之銜勒可  
騎者皆自小習其步驟亦甚穩快者

嶺表錄異

詹何坐弟子侍有牛鳴于門外弟子曰是黑牛也而白蹄詹何曰然是黑牛也而白其蹄使人視之果黑牛而以布裹其蹄

論衡

苟晞爲兖州鎮幕得大月支及西域胡有牛曰及牛今日割取其肉三四斤明日則肉瘡平愈矣又去京師五百里地出雙筋牛能日行千里常旦發書寄珍食都邑五百里一更始竟荅書還乃殺其牛視惟雙筋如小竹大自頭夾脊着肉裡故外不覺

志怪

長沙西南有金牛岩漢武時有一田父牽赤牛三漁人欲渡江漁人云船小豈勝得牛田父曰但相容不重君

船於是人牛俱上及半江牛糞於船田父曰以此相贈  
既渡漁人怒其汚船以撓撥糞棄水欲盡方覺是金訝  
其神異乃躡之但見人牛入嶺隨至而掘之莫能及也  
今掘處猶存

湘中記

建昌控霍鄉有汝嶺絕高從顛至麓且十里民居於嶺  
西者蓄一水牛甚大每旦牧於嶺下至暮歸淳熙己亥  
冬忽失所在遍索不得意爲盜所竊聞於保伍后三日  
有樵夫曰爾牛過嶺正見牛倚石崖下臨虎虎作勢相  
拒越衆莫敢逼奮刃直前將刺虎則牛虎皆已立死時  
方盛寒故僵而不仆民與二子還屠剥之視其內虎無

它異獨牛之心膽皆已裂蓋雖力可格虎而振懼至是

云 夷堅志

萬曆二十四年正月瀘州張四兒家訟于州稱四兒業屠牛衛軍馬洋回回種也性亦嗜食牛自鄉牽牛赴州至大渡口登舟牽繩忽斷牛奔入市過四兒家四兒恃力直前縛之不能制大懼奔入一店中牛亦追入店四兒登樓牛亦登樓觸四兒腸出死牛下樓復轉入一巷中覓一牛肉肆適其主他出盡毀其家器業始徐徐出郊聞之客店樓小梯狹而牛上下無礙其事甚怪唐餘錄倪若水積書萬卷聽人賃閱凡借書者先投束

修羊 唐書

竇儼嘗病目幾喪明得良醫瘡之勸令頻食羊眼儼遂  
終身食之其家名雙暈羨世人有呼爲學士羨者 清異錄

馬 騾 驢

秣馬之法必視其齒歷勞逸而調息之馬四年而兩齒  
五年而四齒六年而六齒成矣七年而右一齒缺八年  
而上下兩邊各一齒缺九年而上下盡缺十年而下兩  
齒缺十一年而下四齒缺十二年盡缺十七年上四齒  
缺十八年盡缺十九年上兩齒平二十年上四齒平年



之長少惟馬齒最準故人自謙曰犬馬之齒長矣

國憲

家猷

驥服鹽車上太行漉汗灑地白汗交流中坂遷延負轅不能上伯樂遭之下車攀而哭之解紵衣以幕之驥於是俯而噴仰而鳴聲造於天忻伯樂之知己也

初潭集

光化縣東五里有石窟漢時有馬數百匹從此窟出形小似巴滇馬三國時吳陸遜攻襄陽又值此穴有馬數十匹出遜載還建業蜀使來有兵家滇池者識其馬色云化父所乘對之流涕

名山記

王良問伯樂曰相馬可得聞乎荅曰馬頭爲王欲方目

爲丞欲明脊爲將軍欲強腹爲城郭欲張四下爲令欲  
長汙溝數欲小如斬竹口中色如日月光者行千里口  
中有黑者曰啣烏短壽白額入口名梅鴈一名的盧國  
龜家猷

張飛有馬號烏追時歌曰人中有張飛馬中有烏追○  
呂布常有馬號赤兔謠曰人中有呂布馬中有赤兔  
隋文帝時大宛國獻千里馬駿曳地號曰獅子驄上置  
之馬群陸梁人莫能制郎將裴仁基曰臣能制之遂攘  
袂向前去十餘步踴身騰上一手撮耳一手握目馬戰  
不敢動乃跨乘之朝發西京暮至東洛隋末不知所在

唐文皇初訪之同州刺史宇文士及得於朝邑市麴家  
稅禮驥尾焦禿皮肉穿穴及見之悲泣帝自出長樂坡  
馬到新豐向西鳴躍帝甚喜齒口並平飼以鍾乳仍生  
五駒皆千里足也後不知所在

朝野僉載

昔慕容廆有駿馬赭白有奇相逸力至雋光壽元年四  
十九矣而駿逸不虧雋奇之比鮑氏驄命鑄銅以圖其  
像觀爲銘鑄鐫頌其傍像成而馬死矣

北史

廣漢陽翁偉能聽識鳥獸之音乘蹇馬之野田間有放  
馬者相去數里鳴聲相聞翁偉謂其御曰彼放馬目眇  
其御曰何以知之曰罵此轅中蹇馬蹇馬亦罵之曰眇

馬御者不信往視之馬目果眇

論衡

李南乘赤馬行道逢他人乘白馬白馬先鳴而南赤馬應之南謂從者曰彼馬言汝當見一黃馬左目盲者是吾子可爲使駛行相及從者不信行二里所果逢黃馬而左目盲南馬先鳴而黃馬應之果向白馬子也

抱朴子

鮑子都舉上計道遇一書生卒得心痛疾子都下車爲按摩奄忽遂卒不知姓字有馬一匹素書一卷銀十餅子都賣一餅以資殯殮餘以枕之并素書埋之騶馬相隨至京師到一關內侯家侯家恠之曰君何以致此馬

子都說此侯驚駭曰此吾兒也即迎喪開視銀書如其  
言乃薦子都辟公府至司隸子都好乘驄子永孫昱俱  
爲司隸皆復乘驄故京師歌之曰鮑氏驄三人司隸再  
入公馬雖瘦行步工

六帖

李克用攻王鎔於鎮州以十餘騎渡滹沱覘敵遇大雨  
平地水深數尺鎮人襲之克用匿林中禱其馬曰吾世  
有大原者馬不嘶馬偶不嘶以免

史編

唐太宗舞馬四百蹄分爲左右部有名曰某家驕其曲  
曰傾盃樂皆衣以錦綉絡以金銀每樂作奮首鼓尾縱

橫應節

開元遺事

其一曰拳毛騶黃馬黑喙平劉黑闥時所乘前中六箭  
背三箭贊曰月精按轡天駟橫行弧矢載戢氛埃廓清  
其二曰什伐赤純赤色平世充建德時乘前中四箭背  
中一箭贊曰渥涸未靜斧鉞伸威朱汗騁足青旌凱歸  
其三曰白蹄烏純黑色四蹄俱白平薛仁果時所乘贊  
曰倚夫長劒追風駿足聳轡平隴回鞍定蜀其四曰特  
勒驃黃白色喙微黑色平宋金剛時所乘贊曰應策騰  
空承聲冲漢入險摧敵乘危濟難其五曰颯路紫騮騶  
平東都時所乘前中一箭贊曰紫騮超躍骨騰神駿氣  
讐三川威凌八陣其六曰青驪蒼白雜色平竇建德時

所乘前中五箭贊曰足輕雪影神發天機策茲飛練定

我戎衣

六馬圖贊

吉頊與武懿宗爭趙州功太后不說它口頊奏事太后  
曰太宗有馬名獅子驄肥逸無能調馭者朕爲宮女侍  
側言于太宗曰妾能制之然須三物一鉄鞭二鉄撻三  
七首鐵鞭擊之不服則以撻撻其首又不服則以七首  
斷其喉太宗壯朕之志今日卿豈足汚朕七首耶頊惶  
懼流汗拜服求生乃止

通鑑

宋沈攸之爲荊州刺史廐中有群馬每夜輒騰擲驚嘶  
攸之令人于櫪邊伺之見一白駒以繩縛腹超軼如飛

掩之不及視廐猶闔縱入閣內問內人惟愛妾馮月華  
臂上玉馬以綠繩穿之臥輒置枕下夜或失所在旦則  
如故視其蹄果有泥跡攸之亡不知所往

諸官故事

宋王夔齊公禎通判夔州時石和尚流劫入夔同知王  
受牒捕賊性險猾故託疾不敢出公忿忿面數之即日  
勒民兵與賊戰公陷圍中賊欲降之公大奮罵賊怒斷  
其喉自死所至府三百餘里馬奔歸毛鬣盡赤衆始駭  
公已死家人盡售行李與馬爲資歸其喪王得馬不償  
直夜半馬哀鳴特異王命秣者加莖豆不爲止自起視  
攣馬驟前齧其項王仆地不省翌日嘔血數升死

宋史



岳武穆嘗入見帝從容問曰卿得良馬不武穆荅曰臣有二馬日啖芻豆數斗飲泉一斛然非精潔即不受介而馳初不甚疾比行百里始奮迅自午至酉猶可二百里褫鞍甲而不息不汗此其受大而不苟取力裕而不求逞致遠之材也不幸相繼以死今所乘者日不過數升而秣不擇粟飲不擇泉攬轡未安踊躍疾驅甫百里力竭汗喘殆欲斃然此其寡取易盈好逞易窮駑鈍之材也帝稱善曰卿乃議論極進

綱目

國朝劉馬太監從西番得一黑驢進上能一日千里又善聞虎上取虎城牝虎與聞一蹄而虎斃又聞牡虎三

蹄而虎斃後取閏獅被獅拆其脊劉大慟蓋龍種也

王粲好驢家畜數頭其價有至百金者其一曰落釵其二曰遠游其三曰驚羽其四曰白鳳其五曰臨江其六曰上雲其七曰奔濤其八曰飛星

下性短牒

唐咸通中以進士車服僭差不許乘馬時場中不減千人雖勢可熱手亦皆騎驢或嘲之曰今年敕下盡騎驢短袖長鞦滿九衢清瘦兒郎猶自可就中愁殺鄭昌圖

據言

吳元濟叛其將有董重質者守洄曲其部下乘騾即戰號騾子都尉竄爲悍官軍恒警備之

相中記

劉氏鴻書卷九十終